



Pranuar / Dosturuar Prenjeno/Prodato Received/Delivered	08 - 11	3	viti god year
Organ /Bjësia Organ /Jedinica Org /Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKAMSTICK	6943	2023	115



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.1177/2023

Këshilli i Pavarur Mbikëqyrës për Shërbimin Civil të Kosovës - Kolegji për Shqyrtimin dhe Vendosjen e Ankesave i përbërë nga: Arben Mehmeti-kryetar, Malsore Gashi-Bajraktari dhe Ardita Haxhnikaj-Demi-anëtarë, me Avdyl Bekteshi-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.1177/2023 të datës 19.09.2023 të parashtruar nga ankuesi

[redacted] kundër Përgjigjes Nr.14-021/03-163747/23 të datës 17.08.2023 të Zyrës Ligjore të Komunës së Prishtinës, në çështjen juridike "kompensim material", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 08.11.2023, mori këtë:

V E N D I M

Refuzohet si e pabazuar ankesa me numër A.nr.1177/2023 e datës 19.09.2023 e parashtruar nga ankuesi [redacted]

A r s y e t i m

Ankuesi fillimisht e punësuar sipas Akt Emërimit me numër 01-112-260 të datës 12.03.2013 në pozitën "Zyrtar i Lartë për Prodhime Bimore" në kuadër të Drejtorisë për Ekonomi dhe Zhvillim në Komunën e Prishtinës, ndërsa pas Vendimit të datës 19.01.2016 të Kryetarit të Komunës së Prishtinës për Organizimin, Kompetencat, Përgjegjësit dhe Sistematizimin e Vendeve të Punës së Administratës Publike, më datë 01.02.2017 i është lëshuar Akt Emërimi me numër 01 nr.112-260 për pozitën "Zyrtar për Prodhime Bimore" në kuadër të Drejtorisë për Bujqësi, ndërsa ankimi ndaj këtij akti ka filluar me ankesë brenda Komunës së Prishtinës pastaj më datë 24.04.2017 në Këshillin e Pavarur Mbikëqyrës për Shërbimin Civil të Kosovës.

Sipas Vendimit A/02/388/2017 të datës 31.07.2017 të Këshillit të Pavarur Mbikëqyrës për Shërbimin Civil të Kosovës është shfuqizuar Akt Emërimi 01 nr.112-260 i datës 01.02.2017, ndërsa është obliguar Kryetari i Komunës së Prishtinës që të rishqyrtohet sistemimi i ankuesit, ndërsa sipas Vendimit A/02/719/2017 të datës 24.11.2017 të Këshillit të Pavarur Mbikëqyrës për Shërbimin Civil të Kosovës është obliguar Kryetari i Komunës së Prishtinës që të bëjë plotësim ndryshimin e akt emërimit të ankueses në pajtim me klasifikimin e vendeve të punës në shërbimin civil dhe Rregullores për Organizimin, Kompetencat, Përgjegjësit dhe Sistematizimin e Vendeve të Punës së Administratës Publike të Komunës së Prishtinës të datës 19.01.2016.

Ankuesi ka parashtruar kërkesë për përmbarimin e Vendimit A/02/339/2017 të datës 24.11.2017 të Këshillit të Pavarur Mbikëqyrës për Shërbimin Civil të Kosovës në Gjykatën Themelore në Prishtinë, e cila sipas Aktvendimit Cp.nr.9/18 të datës 19.06.2018 ka caktuar përmbarimin ndaj Komunës së Prishtinës duke e obliguar Komunën e Prishtinës që të bëjë plotësim ndryshimin e aktit të emërimit ndërsa ky aktvendim është vërtetuar me Aktvendimin Ac.nr.3774/2018 të datës 18.09.2018 të Gjykatës së Apelit të Kosovës, kurse më datë 25.10.2018 është lëshuar Urdhri për Përmbarim i Gjykatës Themelore në Prishtinë 9/18.

Ankuesi më datë 09.08.2023 ka parashtruar kërkesë për kompensimin material sipas urdhrorit të përmbarimit, ndërsa Zyra Ligjore e Komunës së Prishtinës përmes përgjigjes Nr.14-021/03-163762/23 të datës 17.08.2023, ka refuzuar kërkesën e ankuesit.

Ankuesi më datë 19.09.2023 ka parashtruar ankesë me numër protokoli 6146/2023 në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 25.09.2023 ka proceduar kërkesën për përgjigje në ankese në Komunën e Prishtinës. Ndërsa me datë 04.10.2023 Këshilli i Pavarur Mbikëqyrës për Shërbimin Civil të Kosovës ka pranuar përgjigjen në ankese së bashku me shkresat e bashkangjitura të lëndës duke plotësuar me prova shtesë më datë 26.10.2023.

Për shkak të kompleksitetit të lëndës, më datë 30.10.2023 Kryetari i Këshillit të Pavarur Mbikëqyrës për Shërbimin Civil të Kosovës ka nxjerr Vendim për zgjatjen e afatit për vendosjen e ankesës së ankuesit për dhjetë (10) ditë pune.

Kolegji për Shqyrtimin dhe Vendosjen e Ankesave me rastin e kësaj ankese duke vlerësuar relevancën e secilës prej tyre ka administruar këto prova: Ankesa me numër protokoli 6146/2023 të datës 19.09.2023 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Përgjigjen Nr.14-021/03-163762/23 të datës 17.08.2023 të Zyrës Ligjore të Komunës së Prishtinës; Kërkesën e datës 09.08.2023 të ankuesit; Akt Emërimit 01 nr.112-260 të datës 01.02.2017; Vendimin A/02/190/2017, Vendimin A/02/388/2017 dhe Vendimin A/02/719/2017 të Këshillit të Pavarur Mbikëqyrës për Shërbimin Civil të Kosovës; Aktvendimin Ac.nr.3774/2018 iu datës

18.09.2018 i Gjykatës së Apelit të Kosovës; Aktvendimin Cp.nr.9/18 të Gjykatës Themelore në Prishtinë; Urdhër për Përmbarrim i datës 25.10.2018 i Gjykatës Themelore në Prishtinë; Akt Emërimit 01 nr.112-257 i datës 01.02.2017; Kërkesën për përgjigje në ankesë e datës 25.09.2023; Përgjigjen në ankesë e datës 04.10.2023; Akt Emërimit me Nr. 01-112-260 të datës 12.03.2013; Përshkrimin e detyrave të punës për pozitë Zyrtar për Prodhimtari Bimore; Kërkesën për prova shtesë e datës 16.10.2023 dhe 18.10.2023; Përgjigjen e datës 26.10.2023 të Komunës së Prishtinës dhe Kartelën e nëpunësit prej vitit 2017 deri në vitin 2023; Vendimin e datës 30.10.2023 të Kryetarit të Këshillit të Pavarur Mbikëqyrës për Shërbimin Civil të Kosovës.

Kolegji për Shqyrtimin dhe Vendosjen e Ankesave, pasi ka shqyrtuar dhe analizuar shkresat e lëndës të parashtruara nga palët, konstatoi se ankesa e ankuesit është e pabazuar, sepse:

Ankuesi në ankesën e parashtruar më datë 19.09.2023 në Këshillin e Pavarur Mbikëqyrës për Shërbimin Civil të Kosovës, pretendon se Komuna e Prishtinës nuk ka zbatuar urdhrin për përmbarrim të Gjykatës Themelore në Prishtinë, duke kërkuar kompensimin material në vlerën e një koeficienti nga data 01.02.2017 deri më datë 01.20.2023.

Lidhur me pretendimin e ankuesit Kolegji i Këshillit i'u referua nenit 44 të Ligjit që ishte i aplikuar në këtë periudhë të ndryshimit të akt emërimit Nr. 03/L-149 për Shërbimin Civil të Republikës së Kosovës, ku ishte përcaktuar se: *"Puna e nëpunësit civil kompensohet përmes sistemit të pagave, i cili rregullohet me ligj të veçantë"*, dispozitave të nenit 19 të Ligjit Nr.06/L-114 për Zyrtarët Publikë që ka qenë poashtu në fuqi në kohën kur ndërlihet periudha e kërkesës për kompensim më të cilin ishte përcaktuar se: *"Zyrtari publik ka të drejtë në pagë dhe shpërblim për punën e kryer si dhe shtesa të përcaktuara me Ligjin e Pagave"*, si dhe nenit 3 paragrafi 2 të Ligjit Nr.03/L-147 për Pagat e Nëpunësve Civilë që ishte në fuqi në këtë kohë e që ndërlihet e periudhën e kërkesës për kompensim poashtu, me të cilat dispozita parashihej se: *"1. E drejta e nëpunësve civil për pagë të drejtë dhe të rregullt është e garantuar në bazë të kushteve të përcaktuara më këtë ligj dhe me Ligjin e Shërbimit Civil. 2. Institucionet e administratës publike të Republikës së Kosovës janë të detyruara të paguajnë pagë të njëjtë për punën me vlerë të njëjtë...."*, dhe si rrjedhojë konstatoi se e drejta në pagë është e drejtë themelore nga marrëdhënia e punës dhe nëpunësit civil të cilët kryejnë detyra të ngjashme të punës dhe që kanë kualifikime dhe përvojën e kërkuar për pozitën respektive, duhet të realizojnë pagë të njëjtë.

Rrjedhimisht, në kuptim të përcaktimit ligjor si më lartë, Kolegji ka analizuar shkresat e lëndës nga konstatoi se ankuesi sipas Akt Emërimit me numër 01-112-260 të datës 12.03.2013 ka qenë i emëruar në pozitën e punës me titull *"Zyrtar i Lartë"* në Sektorin e Bujqësisë, Pylltarisë dhe Zhvillimit Rural në kuadër të Drejtorisë për Ekonomi dhe Zhvillim në Komunën e Prishtinës. Duke u bazuar në Vendimin me numër protokollit 01Nr.031-13761 të datës 19.01.2016 për organizmin, kompetencat, përgjegjësitë dhe sistematizimin e vendeve të punës së administratës komunale, Kryetari i Komunës së Prishtinës ka nxjerrë Akt Emërim me numër protokollit 01-112-260 të datës 01.02.2017, me të cilin ankuesin e ka



sistemuar në pozitën e punës "Zyrtar për Prodhimtari Bimore" në kuadër të Drejtorisë për Bujqësi në Komunën e Prishtinës.

Andaj, Kolegji bazuar në shqyrtimin e provave të lëndës konstatoi se janë të pabazuara pretendimet e ankuesit që ti njihet e drejta e kompensimit të diferencës së koeficientit në mënyrë retroaktive nga data 01.02.2017 deri më datë 01.02.2023, sepse sipas Aktit të Emërimit me numër 01-112-260 të datës 12.03.2013 lidhur me pozitën "Zyrtar i Lartë" në Sektorin e Bujqësisë, Pylltarisë dhe Zhvillimit Rural ankuesi ka realizuar koeficient gjashtë (6), dhe po ashtu bazuar në Akt Emërimit me numër protokolli me numër protokolli 01-112-260 të datës 01.02.2017 dhe listës së pagës së muajit janar 2023 ankuesi ka realizuar koeficient shtatë (7) të pagës për pozitën Zyrtar për Prodhimtari Bimore, kështu që këtë e konfirmon edhe Komuna e Prishtinës përmes përgjigjes së datës 26.10.2023 e cila konfirmon se nga muaji Maj 2017 deri në Janar 2023 është paguar me koeficient shtatë (7), kurse kjo mund të konfirmohet edhe nga kartela e nëpunësit civil që ka të bëjë me pagat për këtë periudhë kohore, si rrjedhojë Kolegji i Këshillit, mbi bazën e këtyre fakteve konstaton se ankuesi nuk është dëmtuar në raport me të drejtën e pagës pasi që ka realizuar koeficient më ta lartë nga ai që ka pas me aktemrimin fillestar, përkatësisht ka realizuar koeficientin shtatë (7) nga gjashtë(6) sa kishte më herët, e që ishte koeficient si dhe zyrtarët tjerë të kësaj kategorie.

Poashtu kolegji i këshillit me rastin e vendimmarrjes në lidhje me këtë ankesë mori për bazë edhe aktvendimin e Gjykatës së Apelit Ac.nr.3774/2018 të datës 18.09.2018, Aktvendimin e Gjykatës Themelore në Prishtinë Cp.nr.9/18 të datës 19.06.2018 dhe Urdhrin për Përmbarrim Cp.nr.9/18 të Gjykatës Themelore në Prishtinë të datës 25.10.2018, me që rast vërtetohet se përmes këtyre dokumenteve gjyqësore është konfirmuar se kjo çështje tashmë ishte përmbyllur sa i përket ekzekutimit të vendimit të këshillit që ka qenë objekt në këtë procedurë përmbarrimore-gjyqësore, dhe se nga vendimi i fundit-Urdhri për Përmbarrim Cp.nr.9/18 i Gjykatës Themelore në Prishtinë, ankuesi nuk ka ofruar ndonjë dëshmi se ka ndërmarrë veprimet adekuate konform dispozitave të Ligjit të Procedurës Përmbarrimore Nr.04/L-139, që në rast të mos përmbushjes së obligimeve në afate të caktuara sipas këtij Urdhri sipas kërkesës së kreditorit të zbatohen dispozitat e neneve 15 dhe 16 të LPP-së, andaj edhe veprimet e mëvonshme përkatësisht kërkesa e datës 09.08.2023 për realizim të një kërkesë të natyrës financiare duke filluar nga data 01.02.2017 është jashtë afateve ligjore që ndërliken me realizim të kërkesave të kësaj natyre.

Bazuar në at që u tha si më lartë dhe duke u bazuar në nenin 18 paragrafi 1 nënparagrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës si dhe nenin 132 paragrafi 2 të Ligjit Nr. 05/L-031 për Procedurën e Përgjithshme Administrative, Kolegji vendosi si në dispozitiv të këtij vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda, A.nr.1177/2023, datë 08/11/2023

Avdyl BEKTESHI

Zyrtar i Lartë për Bashkëpunim Profesional



Vendimi i dërgohet:

- Ankuesit
- Kryetarit të Komunës së Prishtinës;
- Udhëheqësit të Burimeve Njerëzore në Komunën e Prishtinës, dhe
- Arkivit të KPMSHCK-së